

МОНГОЛ УЛСЫН ЗАСГИЙН ГАЗРЫН 2020-2024 ОНЫ ҮЙЛ АЖИЛЛАГААНЫ
ХӨТӨЛБӨРИЙГ ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨНИЙ
БИЕЛЭЛТЭД 2024 ОНЫ ХАГАС ЖИЛИЙН БАЙДЛААР ХЯНАЛТ- ШИНЖИЛГЭЭ,
ҮНЭЛГЭЭ ХИЙСЭН АЖЛЫН ТАЙЛАН

НЭГ. ХЯНАЛТ-ШИНЖИЛГЭЭ, ҮНЭЛГЭЭНИЙ ЗОРИЛГО:

“Монгол Улсын Засгийн газрын 2020-2024 оны үйл ажиллагааны хөтөлбөр”-т Барилга, хот байгуулалтын яамны хийж гүйцэтгэхээр тусгагдсан зорилт, арга хэмжээний төлөвлөгөөний хэрэгжилтэд 2023 оны хагас жилийн байдлаар хяналт-шинжилгээ хийж, үнэлэлт дүгнэлт өгөх, цаашид анхаарч ажиллах зарим асуудлын талаар санал, зөвлөмж боловсруулан яам, холбогдох дээд байгууллагыг үнэн зөв, бодит мэдээллээр хангахад хяналт-шинжилгээ, үнэлгээний ажлын зорилго оршино.

ХОЁР. ХӨТӨЛБӨРИЙН ХЭРЭГЖИЛТИЙН ТҮВШИН ҮНЭЛСЭН БАЙДАЛ:

Тус хөтөлбөрийн хэрэгжилтийг үнэлэхдээ Монгол Улсын Засгийн газрын 2020 оны 206, 2021 оны 374 дугаар тогтоолоор тус, тус батлагдсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг үндэслэл болгов.

ГУРАВ. ХЯНАЛТ-ШИНЖИЛГЭЭ, ҮНЭЛГЭЭ

Монгол Улсын Засгийн газрын 2020 оны 203 дүгээр тогтоолоор баталсан 2020-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд 2024 оны хагас жилийн байдлаар 33 зорилт, 63 арга хэмжээний хэрэгжилтийг хангуулж ажилласан байна. Хяналт-шинжилгээ, үнэлгээ хийж хэрэгжилтийн түвшин өссөн дүнгээр 2024 оны хагас жилийн байдлаар **80.16** хувьтай, “Үр дүнд хүрсэн” гэж үнэлэв. Үүнд: 100 хувьтай хэрэгжсэн 34, 90 хувьтай хэрэгжсэн 5, 70 хувьтай хэрэгжсэн 7, 50 хувьтай хэрэгжсэн 10, 30 хувьтай хэрэгжсэн 7, 0 хувьтай хэрэгжсэн 0 заалт бүхий ажлууд байна.

Үйл ажиллагааны төлөвлөгөөний хэрэгжилтийг харуулбал:

№	Үзүүлэлт	Зорилт	Нийт арга хэмжээний тоо	Үүнээс						Хүснэгт 1 дундаж үнэлгээ /%/
				100%	90%	70%	50%	30%	0%	
1	ЗГҮАХХАХТ-ийн арга хэмжээ	33	63	34	5	7	10	7	0	80,16

Үйл ажиллагааны төлөвлөгөөний хэрэгжилтийг арга хэмжээ тус бүрээр харуулбал:

Хүснэгт-1.1

№1	Бодлого											
	2		3		3		4		5		6	
	Хүний хөгжлийн бодлого	Гүйцэтгэл хувь	Эдийн засгийн бодлого	Гүйцэтгэл хувь	Эдийн засгийн бодлого	Гүйцэтгэл хувь	Засаглалын бодлого	Гүйцэтгэл хувь	Ногоон хөгжлийн бодлого	Гүйцэтгэл хувь	Нийслэл ба бүс, орон нутгийн хөгжлийн бодлого	Гүйцэтгэл хувь
1	2.1.3.11	100	3.5.7.1	100	3.7.9.1	70	4.2.5.3	50	5.1.1.4	90	6.1.9.2	100
2	2.1.12.6	100	3.5.7.2	90	3.7.9.2	50	4.2.7.6	100	5.1.4.1	50	6.1.10.1	70

3	2.1.14.2	100	3.7.1.4	100	3.7.9.3	30	4.2.10.2	100	5.1.4.2	100	6.1.10.2	90
4	2.2.3.8	100	3.7.1.5	50	3.7.9.4	30			5.1.9.1	100	6.1.10.3	50
5	2.3.9.7	100	3.7.1.6	100	3.7.9.5	30			5.1.12.2	90	6.2.2.2	50
6	2.6.1.7	70	3.7.3.3	100	3.7.9.6	70			5.1.12.6	100	6.2.2.3	30
7	2.6.1.11	30	3.7.3.7	30	3.7.9.7	100			5.1.12.7	100	6.2.7.1	100
8	2.6.3.2	70	3.7.3.8	90	3.7.9.9	50					6.2.7.2	50
9			3.7.4.1	100	3.7.10.1	100					6.2.9.11	100
10			3.7.4.2	100	3.7.11.3	100					6.2.11.1	30
11			3.7.4.7	100	3.7.11.4	100						
12			3.7.5.1	100	3.7.11.5	100						
13			3.7.6.2	100	3.7.11.6	50						
14			3.7.7.1	100	3.7.12.3	100						
15			3.7.7.2	100	3.7.12.4	100						
16			3.7.7.3	100	3.7.13.1	70						
17			3.7.8.1	50	3.7.13.2	70						
18					3.7.13.3	100						

Үйл ажиллагааны хөтөлбөрийн хэрэгжилтийн хүрээнд 2024 оны хагас жилийн байдлаар “Эрчимжүүлэх шаардлагатай” 50%-ийн хэрэгжилттэй 10, “Үр дүнгүй” 30%-ийн хэрэгжилттэй 7, нийт 17 ажил байна.

Хэрэгжилт “Эрчимжүүлэх шаардлагатай” 50% биелэлттэй дараах 10 ажил байна.

Үүнд:

1. 3.7.1.5. Орон сууцны тухай хуулийн шинэчилсэн найруулгын төслийг Улсын Их Хурлаар хэлэлцүүлж батлуулна;
2. 3.7.8.1. Үндэсний орон сууцны нэгдсэн корпораци байгуулах хууль, эрх зүйн орчин бүрдүүлж, корпорацийг шинээр байгуулна;
3. 3.7.9.2. "Солонго 1", "Солонго 2" төслүүдийг хэрэгжүүлэх ажлыг зохион байгуулна.
4. Төлбөрийн чадварт нийцсэн орон сууцны төслийг хэрэгжүүлэх эрх зүйн орчныг сайжруулна;
5. 3.7.11.6. Аймгийн төв, суурин газрын 8 цэвэрлэх байгууламжийг шинэчлэх, шинээр барих төслийг үе шаттай хэрэгжүүлнэ. /Баян-Өлгий, Дорнод, Говьсүмбэр, Завхан, Увс, Говь-Алтай, Баянхонгор аймгуудын төв болон Улаанбаатар хотын Багануур дүүрэг/;
6. 4.2.5.3. Төрийн захиргааны болон үйлчилгээний албан хаагчийн ёс зүйн дүрэмд өөрчлөлт оруулна. Төрийн албаны үнэт зүйл, зарчим, манлайллыг өдөр тутмын үйл ажиллагаандаа хэрэгжүүлэх талаар сургалт, сурталчилгааны хөтөлбөрийг батлуулж, хэрэгжилтийг хангаж ажиллана;
7. 5.1.4.1. Гэр хорооллын нүхэн жорлонг үе шаттайгаар стандартын шаардлагад нийцүүлнэ;
8. 6.1.10.3. Улаанбаатар хотын цэвэрлэх байгууламжаар цэвэрлэгдсэн усыг үйлдвэрийн технологийн хэрэгцээнд ашиглах төслийг хэрэгжүүлнэ;
9. 6.2.2. 2. Аймгуудын барилгын материалын сорилт шинжилгээний лабораторийг техник тоног төхөөрөмжөөр хангана;
10. 6.2.7.2. Сумын хөгжил арга хэмжээг хэрэгжүүлж, инженерийн дэд бүтцийг барьж байгуулна.

Хэрэгжилт “Үр дүнгүй”, 30 хувьтай биелэлттэй дараах 7 ажил байна. Үүнд:

1. 2.6.1.11. Барилга байгууламжийг хүчитгэх эрх зүйн орчинг шинэчлэн сайжруулж, улсын хэмжээнд байгаа түүх соёлын дурсгалт барилга байгууламжийг үе шаттайгаар бэхэлж, хүчитгэх ажлыг эхлүүлнэ;

2. 3.7.3.7. Улсын хэмжээнд ашиглагдаж буй барилга, байгууламжийн паспортжуулалт, тэдгээрийн чанар, насжилтыг тодорхойлж, цахим мэдээллийн нэгдсэн санд үнэлгээг оруулна;

3. 3.7.9.3. "Баянголын амны орон сууц" барих төслийг хэрэгжүүлэх ажлыг зохион байгуулна;

4. 3.7.9.4. Орлогод нийцсэн 10,000 орон сууцны эко хорооллын төслийг хэрэгжүүлэх ажлыг зохион байгуулна;

5. 3.7.9. 5. Сонгинохайрхан дүүргийн 6 дугаар хороонд орлогод нийцсэн 740 айлын орон сууцны төсөл хэрэгжүүлнэ;

6. 6.2.2.3. Барилгын материалын сорилт шинжилгээний төв лабораторийг өргөх машин механизм, цахилгаан утасны лаборатори, барилгын физикийн лабораторийн тоног төхөөрөмжөөр хангана;

7. 6.2.11.1. Сумын хөгжил төслийн хүрээнд сумдад нийтийн халуун усны болон ахуйн үйлчилгээний төвийг ашиглалтад оруулна.

ДӨРӨВ. ДҮГНЭЛТ:

1. "Монгол Улсын Засгийн газрын 2020-2024 оны үйл ажиллагааны хөтөлбөр"-т Барилга, хот байгуулалтын яамны хийж гүйцэтгэхээр тусгагдсан зорилт, арга хэмжээний төлөвлөгөөний биелэлтэд 2024 оны хагас жилийн байдлаар хяналт-шинжилгээ, үнэлгээ хийхэд үнэлгээ 80,16 хувьтай "Үр дүнд хүрсэн" үнэлэгдэж байна.

ТАВ: САНАЛ, ЗӨВЛӨМЖ

1. Үйл ажиллагааны хөтөлбөрийн 3.7.9.3. "Баянголын амны орон сууц" барих төслийг хэрэгжүүлэх ажлыг зохион байгуулна, 3.7.9.4. Орлогод нийцсэн 10,000 орон сууцны эко хорооллын төслийг хэрэгжүүлэх, 3.7.9.5. Сонгинохайрхан дүүргийн 6 дугаар хороонд орлогод нийцсэн 740 айлын орон сууцны төсөл хэрэгжүүлнэ зэрэг нийслэлийн ЗДТГ-аас хариуцан хэрэгжүүлж буй 3 арга хэмжээ, нийт 3 арга хэмжээг тал дээр онцгой анхаарч, хамтран ажиллахыг Хөгжлийн бодлого, төлөвлөлт, хот байгуулалтын газар /Э.Батболд/, нийслэлийн Засаг дарга нарт чиглэл болгох;

2. Хяналт-шинжилгээ, үнэлгээний тайланд тусгагдсан "Эрчимжүүлэх шаардлагатай" 50 хувьтай 10, "Үр дүнгүй" 30 хувьтай 7, нийт 17 арга хэмжээнүүдийг хэрэгжүүлэхэд онцгой анхаарч, үр дүн гаргаж ажиллахыг бүх газар, хэлтсүүдэд үүрэг болгох;

3. Монгол Улсын Засгийн газрын 2020-2024 оны үйл ажиллагааны хөтөлбөрийн хугацаа дуусаж байгаатай холбогдуулан Барилга, хот байгуулалтын сайдын эрхлэх асуудлын хүрээнд тусгагдан хэрэгжиж байгаа 63 арга хэмжээний гүйцэтгэлийг нэмэгдүүлэх, шинээр байгуулагдах Монгол Улсын Засгийн газрын 2024-2028 оны Засгийн газрын мөрийн хөтөлбөрт тусгах арга хэмжээнүүд, тэдгээрийн шалгуур үзүүлэлтэд онцгой анхаарах.

БАРИЛГА, ХОТ БАЙГУУЛАЛТЫН ЯАМ,
ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР

